

集部

欽定四庫全書 其部

詳校官給事中上李 臺 教臣常循覆勘

助

校對官中書臣王 總校官進士臣朱 **膝錄監生臣蒸炎林** 瓊

鈴

うえここう とも大き 加階狀一首 編

多定四月全書 臣以簿劣久忝班祭幸以地籍宗枝遂得位參卿寺常 伏奉今月恩制特換一作臣三品恩出非常罔知所指 疾頓除既於七命之貴更尚再生之澤才輕遇重以祭 憂踰分然於正名豈臣灰粉所能答効自殊私俯及宿 謝口物放三司推問狀一首 謝譴讓狀一 為濮陽公謝罰俸狀一首 為李卿謝三品狀一首 首 卷六百二十八 贻

於是有命服以朝加戟于戸將勸勞而責實亦馭貴而 秋銀青戰敢十二乃號柱國心資具美方賜集作殊祭 微虚未堪趨伏拜恩問卷喜懼難勝馳心關庭戰尚交 臣前件或者臣伏以國朝之制名器尤慎吏考三十 集無任惶悚之至 門戟十二竿右今日中使某乙至臣私第奉宣聖古賜 以憂又先於聖恩賜臣藥酒自蒙救療日覺座平但以 たこり目とこう 代鄭相公謝賜戟狀 文苑英華 ロロ 温

無任荷懼屏營之至謹奉狀陳謝以聞 追 開問賜之祭我衙門照雀乍相賀於朱楹武庫龍蛇忽 以應謹賜知家勿踰於一 崇名上無謬恩下不虚受臣迹非奇致握自諸生先皇 銀好四個百種 名優逢慶齊集作縣假敷秋禮具其數物盛其容新其 日 於你僚叨據樞衡或移星歲雷霆用武自無犬馬之勞 /飛於随巷焜燿當代罷靈自天聚族知熟殺身匪報 月班文豈有婚燭之助徒以侍祠清廟拜舞集作 卷六百二十八 一紀陛下以勤憂過聽委遇首

受賜舞蹈離次驚惶失圖伏以即吏諫官古今所重位 次足四草 在告 慰諭并賜告身者聖慈曲被罷命狼加俯以拜恩跪而 右臣等伏奉恩制除前件官今日守满奉宣進止特加 此篇五百八十三卷表門重出今已削去 騎尉臣崔羣 新授朝議郎守尚書庫部員外郎翰林學士雲 謝官告狀 新授將仕郎左拾遺翰林學士臣白居易 文苑英華 白居易

愚懦自居近職忝冒已深况超權祭班慙惶交至初授 言以直其節尚輕所選實為厥官臣等學識庸虚才質 然後可以佐彌綸於草奏珠作能正其詞盡獻納於易 當展集作象職在箴規皆須開集 **岩無所容無任感恩兢惕之至謹奉狀陳謝以聞** 殊常之罷間實若點再思難報之思感而欲泣唯當奮 金貝で五 勵為鈍補拾關道中誓赤誠上酬立造俯伏恨畏暴作 同前 卷六百二十 作望清方行實端殼

豈敢有所選擇但以位果俸满家貧親老養闕甘馨之 陳情敢望天慈集作處從所欲况前件官位望雖小 費病乏樂石之資人子之心有所不足昨蒙聖念雖許 たいとりはという 顧庸昧無神明聖塵忝歲久憂慙日深况於官禄之間 惶失容蹈舞屏管不知所處臣叨居近職已涉四年自 諭無賜告身者俯倭集作拜恩休傷受命戰越跼踏驚 右伏奉恩制除臣前件官今日守無奉宣聖旨特加慰 新授京兆府戸曹祭軍翰林學士臣白居易 文龙英华

金发电压台雪 立造曲成念臣為子之心誠作賜臣及親之禄臣所以 撫心知愧因事吐誠烏鳥私情得盡歡於展養犬馬微 及借馬者忽降天書乍乘雲顯領衣換目實帛盈庭皆 右泰倫重晏至奉宣恩旨授臣前件官告身衣服及帛 無任尚恩抃躍之至 力誓效死以酬恩祭幸不止於一身感戴實深於萬品 則稱作優臣今得之勝登肯位此皆皇集作明俯察 謝恩賜告身衣服并借馬狀 を六百二十八 元 稹

人こううころう 資近日罷祭無臣比例祭言感泣指日誓心的無死節 當日名見天顏口勃授官面賜章服授令於古不顧班 光轉至唇澤逾深出自宸東選居近地不試便令入院 之誠願受鬼誅之禍伏奉恩古今臣明日本司赴上舊 深切頻獻封章遂遭分外侵誣不敢保全驅命豈謂思 况臣素守集作政愚且集作無朋黨去年陛下握於集 村随之才宜受光揚之賜微臣無任抃躍慙惶之至 即吏命掌書詞非因宰相奏論特是聖慈超授感恩 文完大店

說乃申納海之詞大舜相龍爰有聖讒之訓空書簡冊 真語虬棒天書錦帙金牋霞明光作 務稍閒特乞天恩許臣中謝謹録奏聞伏聽進止集作 愿入朝並要面自論奏伏料二十日入假已後南衙機 未與無納宣集作臣罷禁而集作足為喻輕惶增懼 例便合中謝伏緣先有疏論邊事及幽州事宜無緣空 金公四周台書 右中使其乙至奉宣進止賜臣其官告身一通者鳳街 為蕭相謝告身狀 卷六百二十八 日照臣間高宗命

たこりにこう 之言逸足騁奉奇之態祭光爝火何神日月之明弱質 濕賜集作代勞之駁馬內棧之風雲尚隨寶軸與絲綸 臣生逢盛代竊位嚴廊奉告令之詔書丹霄之雨露猶 退難安拜受恩光戰汗交集無任感戴殊私之至 右中使甚至奉宣聖吉賜臣告身一通馬一疋并鞍轡 此篇移入五百七十四卷表門姑存其目 代裴相公謝告身鞍馬狀 又謝官狀 文苑英華 杜 妆

璀懸悃之至 狐根但尚乾坤之德殺身寧報撫己知慙無任感恩抃 禮則加朝散集作之名若臣者辨乏談天文非擲地貪 日下恩白天中臣間周室設官實重大夫之號漢臣界 右臣伏奉今月其日制書加賜臣階朝散大夫者祭從 金分口及台書 叨華顧綿歷光陰當陛下御極之初分陛下憂人之寄 為侍郎汝南公華州谢加階狀 巻六百二十八 李商隐

雖久誓於心府纖埃滴水竟無補於川岳是用晨宵載 感勵情切違離犬戀主而空深蚊負山而何力無任感 揣斯久怔忪莫寧唯當勤奉詔條所希粗贖官謗誠深 惕啓處增慙素自庸愚加以疾疹心緒遺忘耳目昏沉 臣特蒙天慈擢在樞近恩私屢及罷命頻加粉骨糜軀 たとり日本は 恩望嗣結戀屏營之至 金章紫綬已塵求瘼之榮崇級清階更竊昇高之望循 謝譴讓狀 文苑英華 爝 Ł

實恐虛曠天工傾敗鼎飲伏思大臣引咎之義軟露微 垂惟青心膽飛越五情無曆跼天踏地伏待刑科死罪 驅陳力之請豈敢避鞅掌之職就優游之問臣每思古 因 念妨賢甘從屏退敬竭芻荛之議疾神日月之明所以 金发工屋石量 死罪無任戰懼之至謹詣明福門奉狀陳謝以聞 、竊仰遣事充國則卧而陳策子囊則死不忘忠臣自 欲辭違昧冒陳上智愚庸短自速悠尤伏奉綸言俯 奉谢口物放三司推問狀 巻六百二十八 甫

馆必位至公輔康濟元元陛下果委以樞察衆望甚允 書侍郎平章事張鎬奉宣口物宜放推問知臣愚蠢集 為 能顏稱逆未除愁痛難過猥厠衣職願少神補寫見 死罪臣比集作陷身賊庭憤惋成疾實從間道獲面集 房琯以宰相子少自樹立晚為醇儒有大臣體時論許 趙格臣萬死曲成恩造再賜骸骨臣甫誠頑誠蔽死罪 即下有司具已舉劾廿從自奪就戮為幸今日已時中 右臣甫智識淺昧向所論事涉近激計違近集作聖旨 ここううこ ここう 文治汽车

蓄積者已而琯性失於簡酷嗜鼓琴董庭臘今之琴工 觀难之伏緣作念主憂義形於色况畫一保大其素所 閥於再三陛下貸以仁慈憐其態到不書稍稍之罪集 題望陛下棄細録大所以冒死稱述何思慮未始 竟 遊館門下有日貧病之老依倚為非难之愛惜人情 過復解網羅之急是古之深容直臣勘勉來者之意天 下幸甚天下幸甚豈小臣獨衆全驅就列待罪而已無 於字玷污臣不自度量數其功名未垂而志氣到動 巻六百二十八

銀灰四陣全書

宥罪屏營之至 てきうう 以發姦無狀亦峻科係豈若皇帝陛下恩極好生德集 任先懼後喜之至謹詣閣門進狀奉謝以聞謹進 右臣伏准御史臺牒奉恩古以臣不先覺察妖賊賀蘭)與等宜罰两月俸料者伏以霧市微妖潢池小冠有 唯有過與其漏網止以罰金臣與係屬等無任戴思 先覺上贖夜聰告漢以捕進作盗不嚴循加點則哥 為濮陽公謝罰俸狀 1.1.1 しょうなくなん 李商隐

文苑英華卷六百二十八			鱼
半卷六			卸定四库全書
百二十八			卷六百二十八
			7

次定四華全書 夏 欽定四庫全書 謝思二 文苑英華卷六百二十九 謝賜母國號狀一首 謝兄加恩狀二首 謝弟授官狀四首 謝除副使等狀一首 為子謝恩狀九首 文苑英華 宋 李昉等 編

無任棟躍集作尚思之至 見科鳥鳥以情至家福曲成孝理之賜莫知報效之所 山數陋材豈堪國用日月私照謬掌綸言犬馬以地近 金元 U.E. Junio 右臣昨以两弟身名狀涉隐冒家且未正馬能正人所 右臣两弟衆恩移官就養老母感戴殊澤戰尚無深臣 謝賜將士等物狀五首 謝两弟移官就養狀 讓两弟起復授官狀 卷六百二十九 張九齡

改定四車全書 T 紀今若恭承恩命盡在墨線將以俱作何顏可偷此 災殃集作幾踰年序添水重任不敢碩私而鞠育之思 官慈古優柔感深骨髓微臣何有叨此殊恩但臣自雅 終懷罔極几筵在遠萬附不親唯有两弟在家獲申情 以陳露奏聞誠欲自律今日高力士宣物令與两弟京 澤更令授職俱遠哀次於臣私情實所不忍且於朝議 憫岩使九皐等獲免罪戾幸無削除在臣闔門已霑殊 偷責陛下每弘教義必先名節豈於愚臣不無作少於 文苑英華 作集

豈敢自遂而已不勝哀荷戰懼之至此是讓狀緣次為 望未遂編素維作猶存非常之思 九章太子司議郎臣私門積疊殃罰如昨日月逾邁禮 及外除弟九皇等如臣常材集作如比伏集作哀疾瞻 右臣伏奉昨二十日恩命授臣弟九皐殿中丞集作 必多集作喧騙乞寢恩集作命俯亮恩来 併 謝两弟授官狀 卷六百二十九

星辰軌道幸屬聖時歲月環周實妨賢路去 羅雅作五情飛越不勝感戴戰顷之至 罔識言次不知微命餘生何以上 臣奉其月日物以所賜臣 彷徨自顧悚惕難居臣本實凡愚樣作提當重任雖 弟定 京兆府藍田縣尉者罷過憂深集作恩殊感作四投京北府藍田縣尉者罷過憂深集作恩殊感 為令狐相國謝廻一 文苑英華 子官與弟狀 一子官廻與臣弟定授 稹

たこりをくるう

明命自天惶忭 黄綬清流旋觀冉冉之趨倍慶怡怡之樂手足交抃形 自慙惶豈謂唇矣作慈仍加渥澤特降推恩之命曲成 金分正屋台書 友愛之私九族生光百身集作何報况監山集作美色 右臣伏承今日恩制除臣兄太常少卿林宗為太僕卿 >相輝空鏤肝心難酬雨露無任抃躍感恩之至 為晉公謝兄林宗為太僕卿狀 _作無地臣兄每私門誓約公道為心 卷六百二十九 郯 咸

詩未能息詠葛藟之陰先及本根渥澤既重於丘山光 恩拔自奉常正於群僕臣久居宰輔職恭進賢考盤少 務竭忠勤敢踰涯分豈謂陛下降中古之詔假望外之 たこうう 石臣今月某日中使郭全羽至奉宣聖! 為晉公李林甫謝賜兄衣服狀 1.1. 一門為幸九死何酬無任感戴惶悚必 文范安斯 前 恩 作古賜臣

溘先朝露不報前期! 及始里已過但兄林宗年力稍俱 海重寄已切集作命卿之祭章印崇班更承幾一 太僕卿林宗紫衣一 一明慶流公族光照私門雖喜鶴寫 備之詩終懼維 身切竊謬踐 ·違怙恃兄弟素少形影相依幸遇休明俱霑官序且 非常祭起望表闔門捧戴喜懼失圖臣少遭関去 一十台衙闔門罷禁皆承天覆思與所 副并犀角集作带及金魚袋思出 以作豈謂睿屋特深鴻私曲被 卷六百二十九 作侵近嬰風疾常恐 作

金质四库全書

大小可且在的 目至如邊城克捷狂超肅清皆屠略立通聖謀獨斷 圖不知死所臣幸承天陰特尚殊榮無補消塵常砚面 鵯之刺無任喜懼感佩之至 右臣今日曲紫聖恩處分仙客令與臣男岫五品并授 郎愚誠懸辭天鑒不察仙客承音又已進官憂懼失 此篇五百九十二卷表門重出前已削去注異同 為晋公謝疑作男五品官狀 文苑英華 Ā

童之才豈憚祁奚之舉知其不可敢乞收恩制命未行 之遙統但有空名敢冒天功而為已力虛承厚委深是 多好四四百言 為臣實知之非為矯飾儻謬踐華省深累里朝必負黃 其服章已深榮幸更塵清與何以自安且郎官之任朝 曠官况在項童何議延賞假使天慈善誘宸滕曲臨變 猶祈更寢無任懇敖之至謹胃死陳請以聞 廷俊選無人則缺不可虚授臣男岫性資愚戆無所能 代王尚書謝一子官狀二首 卷六百二十九 王仲周

驚慙無據臣頃戰伐河北男亦隨身救援李也頓軍易 右堅保渭橋承第略於皇明推完醜於都邑事屬理 定属陛下遷幸間及河南臣留與論婚娶然得引軍關 臣某言伏見某月日制除臣男憑御史中丞棒讀綸音 負荷無力不勝惶恐屏營之至 祭雨露軍及顧老臣以增懼念童子以何知恩私忽臨 右臣素乏器能認司方鎮敗公之責夙夜惟憂延世之

欠已日日 白雪

文苑英華

是茶國章臣初沐殊私即將陳讓但緣李忠在外方遇 同心各獲捐軀之地不勝感荷屏管之至 右臣得進奏院狀報中和日伏蒙天恩賜臣男公敏内 次之禁益尚無窮之惠君親垂苑並居喻等之官父子 冠戎已行之思難可追止柔遠之體或要順從勉承不 已及於中司若以忠孝而升且無往例若由臣國 功匪眾人陛下特以微功録其小子年未登於弱冠官 金牙口屋百言 為人作謝子恩賜狀五首 卷六百二十九 令狐楚 授

党炎初吐陛下式崇佳節以慶仲春舞八卦於廣庭陳 宴併賜前件綾羅三十疋銀椀一者臣伏以桃花始開 宴九天之上乳口而食當鼎食青襟而陪列朝班越次 明慈惠男公敏年方童幼智之老成何殊一芥之微忽 四詩於別殿道光在鎬義冠濟汾蓋所以勞徠勲賢昭 為器皎映於盃盤澤流而九族皆榮信至而萬夫相慶 之恩已深逾涯之賜仍及色絲成足爛盈其箱篋白金

生子如父無功則同知臣者君報德何日徘徊官次喜

文苑英華

たこり言いい

多分世屋 台書 之慈旁流于枝葉殊恩根及渥澤曲臨特降醫工厚霑 義方未能典謁豈意陛下惻隐之德俯加於纖芥敦睦 江診療者臣自受國恩已更歲序其於功績絲髮未伸 聖旨緣臣男患耳賜絹一百疋以充藥直并遣醫人 右臣得男公敏狀今月十八日中使王希朝到院奉宣 懼交并戎守有限不獲陳謝無任感思結戀屏營之至 夙夜憂兢不知所處男公敏昨緣耳疾今赴上都素乏 发六百二十九

等螻蟻弱子無疾微如塵埃豈意陛下施惠必均推思 |藥直離情之疾料即座除君親之恩何可報效禁光燭 皆及屬登臺以望之日降其出如綸之言錫香醪而滿 古賜臣男公敏冬至節料羊酒麵等伏以愚臣在邊賤 Ca. 10 10 2 22 10 10/ 未獲躬詣闕庭陳謝不勝感戴 於府舎喜氣溢乎閨門思深命輕繼以感泣戎役有限 右臣得進奏官趙獲温狀報中使姚文嵩到院奉宣進 文范英華

之至 曾無明略以奉大猷孤直愚忠未足報陛下萬分之 古賜臣男公敏歲料羊酒麵等臣自領北藩于今五稔 禁百衆賀非常之慶未知報效空積輕惶日月高明照 壺頌肥對以盈几伏自惟念不勝所蒙一 右臣得進奏院狀報前月二十九日中使甚至奉宣進 臣忠怨所守有限未獲躬詣闕庭陳謝不勝感戴戀結 金分四月至書 匹 卷六百二十九 門職莫大之

謝無任感恩抃雖之至 欠日日日日 **慙惶空將許國之身誓竭在過之力所守有限不獲陳** 之腹間以滿盈老牛舐犢之心喜無終極深思似海弘 翩娟微物飛舞於東風靃靡輕生霑濡於春雨降少牢 領賜适中貴以宣傳麵起玉塵酒含瓊液縣鼠飲河 如天寧唯感激一門實亦光明九族何階報答終日 公敏伏緣醫療勤赴京都尚未平除爰逢歲節豈意 文苑英華

某又宣賜麥粥餅飲者臣伏以天地之恩所加斯厚君 古賜臣男公敏寒食節料羊酒麵等至二十 瓊膏飲有同於洋實出為電錫皆申上帝之心食以充 臣之義有感則深臣自守近藩曾無薄效緣恩處義以 月繫年男公敏未識憲章獲祭班序每因令節又法殊 盈莫匪小人之腹消毫未展饕餮已頻常懷覆缺之憂 右臣得進奏院狀報二月二十九日中使甚至奉宣進 班首之羊委其全體權之之麥散以輕塵粥既擬於 日中使

金分四月百十

卷六百二十

九

或貯在鳟壺酒可駕車麵疑經市而况屑杏實以為 古又賜麥粥餅飲者罷祭便繁錫賽相疊或陳於廊 進古賜前件節料麵內等次十日中使徐智嚴奉宣聖 欠ピロラーショ 朴躍之至 因臣瑣質何堪於負荷官守有限不獲陳謝無任感恩 有忝分廿之施尚仁之逮下微物敢讓於生成如澤或 右臣得進奏院狀報今月九日中使李朝誠到院奉言 同前 火龙英華

恩賜臣母國號告身一通右今月日某乙奉宣恩告賜 由答效身輕施重負荷難勝所守有限不獲陳 祭冠倫列在微臣而過幸日益憂兢念小子之何知無 **饌而墙之目未曾窺見含糗之口忽此捧當思逾涯** 為蕭相謝賜太夫人國號告身狀 稹

味甜於蜜卷牢內以成餤規大於拳皆出御廚無非

卷六百二十九

金分口丹台書

瑞同龍印夢蕭知感雨露難酹無任抃躍兢懼其作之 奉真人之語緘滕在笥深藏大帝集作之符寶過金贏 光於萬葉葉珠文字重降於九重朝野謂之殊私宗族 以勉臣師學念臣庸昧本望非高所希捧檄之祭敢萌 越臣家傳儒素母實劬勞每織履以資臣宦遊當斷織 欠日の日では 以為作之荣光臣及臣母以朴以散誓将齊戒洗心水 思作開國之慶陛下恩加望外簡自家東石穷封疆已 臣母前件告身恩光灼耀棒戴就惶對楊天休無任戰 文龙英華

罩以與懷懼殺皮之廢禮盧戡與臣同年登第少日論 物告賜授前件官充職者臣謬當廉印合起幕庭無魚 至 金贝口尼白言 交學富文雄氣派志逸玉清越而為樂女舒退服作 右臣得進奏官其狀報臣所奏盧某等二人奉其月日 新授某官盧戡 為榮陽公謝除盧副使等官狀 卷六百二十九 新授某官任繕 李商隐

之至 欠三のうべいか 净精微得君子之時中友鄉人之善者匪因請托實自 使我有紆朱之榮繕無衣白之見已經聖鑒可謂 冀收規畫之功共奉澄清之寄不任感思尚里集作 知皇帝陛下俯照逐藩成加命秋南臺貼職延閣分 買懷難進之規不起後時之數任繕切學孝悌察 謝防秋廻賜將士等物狀 文范英华 令狐楚 ナニ 函

戊既霑挾纊之恩出車勞旋又有分無之澤纔識家而 臣叨居將即獲沐恩波所守有限不獲陳謝 而代君父之仁已深陛下愛育武夫綏懷猛士来被遣 物並物給付託臣伏以受命以行人臣之節斯著及期 右件將士中使朱孝誠監領其月日平安到太原其當 金分四月百十 人俄拜賜以嵩呼盡忘征役之勞固感生成之德况 為人作謝賜行營將士及段并設料等物狀 卷六百二十九 前

設料者伏以懷生之類莫匪王臣有事之時唯聽君命 欠臣马甲合等 將即誓掃冠仇感戴屏管倍萬恒品 飽徳何以勝恩競坚摩壘之心争竭拘原之力臣叨居 食比肩而膚草充盈實於東帛連秧而衣裳華楚空知 **今者天誅小羆恩施奉雄豈謂偏裨皆衆賜眷需以飲** 右臣得行營兵馬使李黯狀報伏蒙聖恩賜前件足段 為人謝賜行營將士襖子及弓弩狀 文苑英華 前 ナニ

右臣得兵馬使李黯狀伏蒙聖恩賜前件物等者伏以 淺誓將忠怨以勵驗雄所守有限不獲陳謝 减臣名叨將帥志掃冠響沃恩澤而空深效勤勞而尚 **廖骨歡聲感動勇氣蒸騰信山嶽之可移豈妖氛之足** 府遥知被服皆不憚於兵鋒編想操張盡 (賊未平偏師在遠臣並全支器械厚給衣裝陛下 戰爭為其寒苦特領星使很降天波衣絮八樣之縣 如狐腋弓纏九牛之角勁若烏號頒及連管來從國 血作將穿於 念

金分口居台書

各六百二十九


次 三四車全書 **尚殊私而東拜悉有無衣骨餘勇而西行若無遠道** 百恒情 前件綿絹等臣伏以武夫之用職在防虞壯士之心樂 從征役陛下仁慈廣被渥澤旁流諭以功名賜之綿帛 右臣今月七日中使朱孝誠至伏奉詔書兼宣恩旨賜 日力共振天聲臣很守 入徳防秋將上 文光英華 潘隅切居將帥於榮感載 同學網狀 前 古四 同

薄效未伸伏蒙陛下曲降天波俯加王 澤華資清秧周 誰呼感戴皆不自勝臣素是懦愚切居上將微誠空竭 所奏當使諸將官賜前件告身者罷命從天榮光溢路 右臣中使朱孝誠至伏奉詔命慰問臣并宣慰肯允臣 金人口尼己言 三軍驚非次之榮萬井賀殊情之慶誓将苦節上答明 及於百夫喜氣誰聲喧傳於一道家藏寶軸人受論言 思謹准物捧受分給記臣與諸將等限以所守不獲請 為人謝賜將軍官告狀 卷六百二十九

		 	_	
たる. 日の たかり				闕陳謝無
(か)				闕陳謝無任抃雖之至
文龙英华				王(
Ā			-	
				•

文苑英華卷六百二十九			金灰巴居之事
九			巻六百二十九

欽定四庫全書 人こううべい 一 謝恩三 文苑英華卷六百三十 謝御礼狀一首 謝中使招撫狀一首 謝物書手記狀一首 謝宣慰等狀七首 奏廣州結好使事由奉記書謝恩狀一首 文忠安学 宋 李昉等 編



驚朽骨遠被殊恩棒承戰悚擎跪踴躍為寒之力過負 加感悅交集無任抃躍惶悚之至 **鉛臣謬忝防虞未申戎効寄分廉察又乏吏能尸素實** 大三日日 三 已多鴻私未酬整懼彌積軍州同慶惠澤溥将慰勉載 唇詞罷飾曽無毫髮之勞宸古密臨特受腹心之寄自 深好青難追聖慈弘貸祭屋累霑俯降天書無賜墨記 右今月十一日中使劉廷玉至奉宣慰命賜臣前件書 謝物書手詔狀 文范英華 衮

以陛下至他至仁好生惡殺恐失理死不忍誅夷特令 持守經年以水攻圍俟其離變誓殱宛叛以靜方隅伏 臣某言項者元誼等擅固城池有違記命臣出師野次 神武底定衛惟愚随載尚鴻私不勝感戴踴躍之至 中使就此招撫今洺州收復問井獲安此皆天威光被 金分巴尼台雪 為王大夫謝中使招無狀 奏廣州結好使事由奉部書謝恩狀 卷六百三十 崔行先 裴次元

常儀特降詔書慰撫事逾等列喜萬怕情伏以軒墀 臨之明無幽不燭乾坤生成之德在物莫遺豈期奏報 一番維無補消埃累更凉燠知兹地速敢望恩加日月照 想宜知悉者臣伏以綸終下於紫霄明命光於滄海祭 右臣伏奉其月日手部令臣速具前件官本末事由間 於定四車会書 一 深感極雅治心驚周章失圖歡惕交集顧臣鄙劣忝寄 伏奉某月日手的所奏其官尋赴廣州事宜具詳本末 奏臣去月日謹具其官歸本道事以間其月日奏官至 文苑英华

官吏等者臣竊位大藩連祭近屬戴山之力雖竭橫当 右監軍李輔光廻伏奉物書手記宣慰臣及參佐將校 攀戀之心臣不勝感思歡雖屏營之至 身懷死節之丹誠願生還於絳闕每水存諭之命更 列於班行殺冠劒而何日守炎荒之遐服甘瘴癘以嬰 之功未聞寢與以思憂愧若厲伏惟陛下日明于上子 近と言 為人謝宣慰狀 「變謬職愧深於星琯荷思思拜於形庭厠清 **数六百三十** 令狐楚

特遣王人復還使府捧絲綸之明的光龍賤微吐汗漫 蒙陛下弘覆情之仁與天為大廣照臨之意如日斯升 欠已9日十六日 於將校慈占丁寧旁霑於椽吏誰呼之聲雷動舞抃之 育其人降玉筋之天書遣銀瑞之星使宸心照育下浹 者臣自守大藩未申微劾每承渥澤實所慙惶今者伏 右監軍使李輔光廻伏奉物書手詔慰問臣及將士等 袖雲翻榮光併臨愁疾如矢不勝歡喜感戴之至 謝物書手記慰問狀 文始英華

勞役思踰素望榮冠常倫跪聽誰呼衆心如 空知受恩何以勝徳所守有限不獲陳謝無任感戴シ 之温言霑濡羣萃浮空而喜氣成霧動地而歡聲若雷 公才叨總戎律清平無事績用未彰伏惟陛下子惠兆 右中使孟昇進至伏奉口勑慰問臣及將士等臣素非 天成萬物降星分之使宣綸出之言問以炎凉勉 謝 口勃慰問狀 卷六百三十 臣等不

金发电及人引

勝感戴之至 謝宣慰狀

於生成臣實庸虚叨膺與用至於師人輯睡封略又安 士等伏以天地大鈞固無私於覆載豚魚微類皆有尚 右監軍使某廻伏奉物書手記兼宣恩旨慰問臣及將

臨昭宣慰撫為膏之雨泛酒於編人如鯚之言傳聞於 皆禀廟謀無非宸案豈意天慈廣被聖眷旁流歸復監 大三日日日上十五日 列校惟生衆口感結羣心同守節以戴天各輸忠而報 文苑英学

受恩祭其月日己差衙官其奉表陳謝記無任感戴之 聖澤汪洋高平盡滿皇明照耀微細不遺內愧瑣材 三軍輯時萬井歡康皆憑天威盡出宸等慙將尋分虚 煩慈吉朝間夕陽豈復遑寧夜思畫行不敢失墜今者 佐等并賜臣官告旌節燕宣口物授臣節制者臣伏以 右其月日中使其至伏奉物書手詔慰問臣及將士祭 金人口居石言 國臣與將士等不勝感恩抃躍之至 謝劾書手記慰問狀 卷六百三十

至

右中使至伏奉某月日詔書令中使宣慰諸州刺史外 謝宣慰諸州軍鎮等狀

鎮將士等今臣亦使人安撫者臣準詔差處候張液随

邦國之恒規秉義納忠人臣之素分伏惟皇帝陛下嘉

·使某所在存問以其月日却到太原伏以設官分職

其奉上念以守逸降驛騎於九重諭天心於萬里法南

| 飲定四庫全書

文苑英華

風之長養豈擇卑微並白日之照臨不遺遐遠邊城將

一孩之日長養於外家童冠之年因依於伯姊容身寄食 關塞無處臣忝守戎旃不任忻抃之至 右中使尹偕至伏奉手記慰問臣等伏以聖澤均霑 以至於今李說念臣以家親署臣以散職誓將禅補義 不依違誠意莫申大期俄廹今者獲成安泰仰荷聖明 井里黎人 燭欣榮感戴不勝自任臣生代未指遭家不造嬰 為崔仲孫弟謝手詔狀 八競皷舞於皇明盡霑濡於聖澤室家相慶 老六百三十 次定四軍全書 人 御礼二 構亂義在克清念台輔之街冤期於必報此盖仁深天 之至 豈期特降恩波深蒙慰撫昆蟲賤命不可以戴天葵養 使是捨賊之門者伏以屠等若神聖慈猶父視免狡之 聖古云鎮州遊亂在害忠良治與元韓鎮州節度便集 **微心空知其向日親疎共感存殁同祭無任感恩抃躍** 一十三字右泰倫重晏至宣賜臣前件御礼其中 謝御礼狀 文施英華 稹

聖慈矜憫垂恩救護氣東力憶忽吞永命之 右内使陳忠盛宣旨賜臣痢樂臣攝生無方自貽疾疢 **跨曜光祭之至** 罪成是憂食翰忽臨天章與發舞鳳廻翔於懷抱飛龍 地勇過雷霆臣實庸愚難議窺測況臣誤集作飲失次 分グログ 助於無細豈獨傳之子孫便合鏤於肌骨微臣無任 服集作返魂之草蒙天管枯集作 謝賜藥狀集作 ノニー 卷六百三十 張 枯日座平 說 符腸滑胃 雖萬

載延棒日承天尚曲成而靡無作極無任快戴之至 た正可見合い 命自天感戴並至臣等涓滴無補渥澤日深多媳股 石高力士奉宣恩古賜臣等鹿角膠九及駐年靣脂)良每慙智力义劾徒承聖恩同體之義更霑御樂 之賜事絕希幸禮優常遇微驅賤貌因殊集作造 謝勑賜樂狀 公謝臘日賜樂等狀 文范英华

梅之味臣竊位歲久四榮日深調鼎之功未施於毫髮 等逼夜叉賜粳米一百石麵二十袋適中使楊元新至 金灯电压台量 降自天厨中使炮烹皆承聖法不資椒桂之力備適鹽 齒髮於哀容瑞麵香梗頓豐盈於私廪況鯸魚魴鮭等 鎮樂良展錫靈仙之秘方均雨露之殊澤金膏玉散駐 又賜鯸鮧魚魴魚鮭魚等仍便令膳造伏以嘉平舊節 右昨晚內使曹侍仙至奉宣聖吉賜臣臘日所合通中 、駐顔面脂及鈿合并吃力伽九白黒蒺藜煎楷齒樂

感戴之至 ·登祖之美屢浹於恩波徒荷生成何酬造化無任稠疊 謝賜樂金盞等物狀

審餘甘煎及平晚合二無令中使輔朝俊親授昨所賜 金方法者伏以聖澤無涯已沐九天之施真方不秘更 右内給事衣思藝奉宣聖古賜臣樂金盞一 公之法王人俯及實器仍頌自告名臣近代良佐 匙并然花

雖功業攸者或不承此賜况臣才不逮古雨露之澤谕 沙全四車全書 月

文龙英华

必候休明之辰上益無疆之壽不意俯廻天眷念及微 服之後深有補益兼延駐者伏以仙方所秘靈樂稱 感戴之至 内給事表思藝至奉宣聖吉賜臣江東成金二 易朽常慮先凋竊荷生成之恩寧酬造化シ 九轉之金駐百年之命且螻蟻賤質豈能長固消 一當時涓塵シ 謝賜樂金狀 /效無補仰瞻玄造上答何階無任 一挺岩

らせ

卷六百三十

にたこりをとき 特殉寵賜暢威懷於遠服佩以神刀矜微劣之 右今日中使某至奉某月日墨韶賜臣前件神刀及食 庭漸遠道里猶長瞻望天顔感涕交集無任戴尚結 靈樂棒受戦越以作以驚臣即以今日發藍田縣關 五挺并合子鎖等臣速赴藩鎮上 謝賜神刀食金等状 /期寵若丘山何仲灰粉之謝不任 忻 文苑英華 一幹聖憂俯降王人 鄭 綑 庸軀賜

私命戒途不敢陳讓省躬撫事益懼非才今又特降 90 學塵吞班行效無可稱事每逾量聖慈過聽握領潘方 質仰戴殊私渤澥無比其深山獄無方其重臣軍門賤 人遠院郊甸實刀出於武庫上樂本於金精足以蠲 右中使其至伏奉墨的并賜樂金一合神刀等俯循陋 之極 金分四屋台書 環堵諸生之禦侮之籌謀罕濟時之方略而因緣官 謝賜手記無神刀樂金狀 卷六百三十 31

处定四重全等 絕星馳驛騎道路相望頒仏樂于雲中降神醫於天 疫竊激發忠勇餌惟辱懦承此齊光捐驅盡節豈足為 疾十九日中使張良祐至伏奉詔書賜臣烏樂蓼子各 報無任感戀懇款之至 右今月十八日本道監軍使李某至奉宣口物問臣所 凡庸很當朝寄蹔平將息特較聖慈綸出王言朝昏不 合樂方兩紙并借供奉醫官兩人醫臣疾者臣素是 為人 、謝問疾無賜醫樂等狀 文苑英華 令狐楚

壯誓竭丹誠狗馬之齒更長敢忘玄造臣見準詔書與 右臣奏事官高榮朝廻伏奉墨記問臣所疾并奉宣口 金火口匠 **承榮罷冀即痊平兢惶失圖感載無地消柳之心猶** 賜臣樂方者臣疲馬集作之實寒熱所侵仰憑天 人商量服飲未及塗樂將息腫氣已退煩熱未定所 ノニラー **小獲陳謝無任感恩結戀之至** 湖記書問疾無賜樂方等狀 卷六百三十 前

羸尚闗於春想榮深益懼喜極而悲當望雙闕以注心 ただりにというる 方無飛五色之詔榮光一燭愁疾如遺誓畢微生以酬 疾以憂生仰紫覆育尋就痊除伏以君恩過厚天聽至 殊造無任感戴之至 - 縷形於詞如撫以手顧慙徵細特繫於宸衷內省疲 監軍使李輔光理奉宣口物問所疾者臣頃因時早 日已捐豈意猶煩審想尚彰聖東特降千金 人謝問疾狀 文苑英華

土戀切攀髯方當匍匐而前敢有赫曦之懼豈謂天光 恩賜金石凌紅雪各 察臣有木訥之性故賜臣以苦口之滋就日凝不冶之 濟靈樂旁雲念臣有丹赤之愚故賜臣以染心之物 臣將赴山陵時屬炎暑賜臣前件紅雪等臣職司復 隅而盡力不勝感結抃躍之至 為令狐相公謝賜金石凌紅雪狀 兩右中使實千乘至奉宣進止 卷六百三十 稹

清米在合若遇圓之絳雪恩加望 欠已日年亡与 任跼踏屏營之至 文龙英華 無

文苑英華卷六百三十		金公里公司
十		卷八百三十
		_

金定四庫全書 東部

詳校官給事中臣李 臺

助

教臣常循覆勘 校對官中書臣王 總校官進士臣朱 膳録監生臣施

鈴

瓆

酰

三月月七子 風 文苑英華 育 首 明謝賜火狀一 首 綸 首

荐臨古酒名看禁作玉食仙果來於御府莫匪天慈適 右臣某等言伏以大慶吉辰榮雲錫宴鴻恩繼至王人 金刀口人石言 口忘憂已滿小人之腹殺身粉骨難酬聖主之思臣無 任感恩抃躍之至 臘日謝賜物狀八首 重九謝賜熊酒等狀一首 壽昌節謝酒食集作大宣宗 嘉會節宰相謝酒食狀出日 卷六百三十 錢 杜 牧 珝

火足四年公島 图 驚敢忘盈滿竊位而憂心已醉寧待獻酬仰望脣慈臣 **醞既陳炮燔兼至名茶馥郁嘉果斯羅當珍而食指先** 和戒集作節慶賜中恩當晝夜平分之時頒度量合同 某等無任兢感惟抃屛營之至 右今日奉宣賜臣等前件紅牙銀寸尺各一者伏以中 春敢望宸東恩隆輔弼王人遇一作降龍錫爰加酒 中和節謝賜尺狀 **艾苑英華** 白居易

右伏以香火至誠祝後天於萬歲歿匏飾喜會率土於

過藏煙時當改火助和氣以發滞表皇明而燭幽臣顔 右今日高品官唐國珍就宅宣古賜臣新火者伏以節 宣逮下明忖度之心為上表裁成之德慶澤所及歡心 謹具奏聞謹奏 之令况以紅牙為尺白金銀作為寸美而有度與以相 不違而尸素内慙分寸之功未効捧受愧畏倍萬恒情 **畢同臣等塵忝日深寵錫歲至雖恩光下濟咫尺之顏** 金ラセルノ言 清明謝賜火狀

大正四事在 養王者所實其重於賢能故事将錫長年皆於今月因 降實自天非因榆柳之燧仰之如日空傾葵霍之心徒 以賤微荷兹紫雅就賜而照臨第宅聚觀而光動里問 諸将衣并百索銀器等者臣伏以夏之為仁實由乎長 右中使王進卿至伏奉詔書慰問臣兼宣恩吉賜臣及 奉恩輝豆勝欣戴 領珍翫題及庶方誠上帝之殊私信天朝之盛典臣! 為人謝端年賜物等狀 义苑英華 令狐楚

書雲繁篋中盆綵絲之索案上滿真金之器方圓通用 赐母歲必來五日之祥期其作無年不受衣裳霧疊記 無所取政不足稱獲守司存已為尸香宣竟九天之慶 金グビルと言 右今月某日中使某至奉宣恩古赐臣手記一通兼前 受兼分給諸将記所守有限不獲陳謝 懼當喜而憂終無補於成功空有慙於借當並准物奉 紅紫交光命輕而服拜難勝身賤而鋪塵不稱以榮為 為安平公謝端午賜物狀 卷六百三十 李商隱

一防令月端午住辰渥澤合止於煎賢錫齊宜先於戚屬 |疊恩生望外荣積懼中臣已當時宣布給散記伏以正 一飲定四車全書 一 |綿長共保常期五日以霑恩臣與大将等無任感激懇| 豈哉臣獨忝在列校不遺華楚成行永願于春而奉聖 |樓出仙蠶之團自金凝蛇女之魂持可戒盈帯堪延弄 |伏讀而不啻干釣一襲輕衣跪捧而若無三伏况又綵 臣遠臨東魯久去上京豈望仁時同踏毒域八行明的 一件端午紫衣銀器百索并大将衣者乾文昭融春賜稠 文苑英華

節推戴禮日者漢儀彼艾人遠具於歲時角泰近標於 一銀器二事大将衣三副并赐臣手記一通者伏以五神 悃之至 帝陛下克協樂章允符時訓恩作作究近威惠浹元僚 風土乃者舊傳聞之末亦是作君親慶賜之原伏惟皇 定位祝融司長養之功六律釣和教寫有酌酢之義故 右中使某至奉宣恩古賜臣端午紫衣一 ١ 為滎陽公端午謝賜物狀 卷六百三十 副百索

次主马车产生 一型 等無任望関感恩抃舞屏管之至 全節錫帶之禁親物傳輝實動請綴之思唯當仰承帝 軸用複故然兼續收龄爰自微臣頗流諸校鞠躬被龍 |衣國僑之於被服多輕久携顏氏之瓢捧持未慣當書 真金備器海銷掩麗渠盌藏珍拜受若驚跪棒如失當 力粗舉藩係誓相率於明時庶同登於壽域臣與大将 而不假交扇向日而唯宜飲水况又将以綵絲紫諸畫 臣守介蠻圻程送風闕敢布瘴崎持降乾文輕編染衣 文苑英華 五

麗服見裁縫之妙棒其珍玩價重於兼金賜以絲絲恩 **酌恩之節** 深於延筭况寵問将校問及偏神爭馳就日之誠益勵 府頒衣遽霑於干里臣恭膺寄任未展涓埃節候每移 金とせたとう 右伏以中暑良時沐崩令節王人乗驛初降於九霄內 ,曠增懼陛下殊私荐及寵賜不忘天書親經緯之 社日謝賜羊酒海味及茶等狀 謝賜端午衣物狀 卷六百三十 張次宗

たこりをとき一個 之全 報社賜兼海陸品極珍鮮上減都發 謀猷實熟不足益彰尸忝深誠滿盈屬上戊御佷勞農 積歲時日有餐錢月受高俸過家温飫常愧有餘內省 右中使某至伏蒙里慈賜前件羊酒等臣謬塵重任己 而受承寵若驚惶恐拜恩戰懼交集無任戴荷於持 重九謝賜熊酒等狀 文苑英華 农 作 常 衮

|宴既聨於伯仲單恩更及於室家稠疊龍光低廻隕越 筠節朱並清酒曾聞舊俗之傳養以調腸令親靈珍之 壽昌復見芳華喜陽數之重合時恩忽降節賜存加王 樂飲者伙以玄月戒時清風應律宜於長久欣聖祚之 味此饔人苑吏上獻嘉佷豈伊凡品微生下霑殊貺賜 金人以及人 右中使劉君壽等至伏奉恩命賜臣前什餻酒等仍令 能臨御膳分百膏以粉餌蒸以館錦緑并金茅紫蔗 門同慶萬死何酌 を六日三十つ

潜銷於腠理仰榮知忝承寵益鷩閶闔九門歲時結戀 錫之絳雪泉香流澤芳潤忽光於悴容五樂蠲舸瘴癘 伏以王人戾止天書遠降於閩川星躔既回黄莊 猥頒 拜賜滥同於重鎮觀風察俗志有立於涓塵比物省躬 於雙闕方隅萬里展効期激於丹誠敷惠未洽於遠人 斯須而成親二十四氣瞬息而可知回 於遐服推步允符於聖祚先天克合於歲功三百六旬 たとりおからとう一切人 臘日謝賜口脂歷日狀 文苑英華 一作又賜以願賣 鄭 絪

兹戎鎮星霜屢改渥澤愈深內悚外輕不知所措文 有五刑之典廣霑萬物之恩自天有慶與人更始臣 右中使某至伏奉物書墨詔緣大禮後慰問臣及将士 官吏等又緣近臘日便賜臣前件藥物臣謬履釣衝守 改運般存告成郊廟辰嚴裡之儀蒸黎洽時雅之化大 恩何酌於覆載臣某不勝歡躍屏管之至 為昭義李相公謝賜臘日口脂狀 卷六百三十 崔行先 眀

 次定四車全書 質空驚疾乃有瘳私奉售章式披新悉想天長而地久 器俱忝宸睢曲臨節近嘉平恩延寵錫查膏凝潤於寳 看日往而月來無任云云 器上藥秘重於仙方澤變衰顏不知老之将至光生憊 恩隆洛賽及萬方金膏不秘於上清蘭澤遠傳於中禁 臣口脂紅雪并新母日等伏以蜡即嘉辰載於六籍皇 右中使某至伏奉手詔慰問臣及将士等又緣臘日賜 臘日謝賜口脂紅雪等狀

文苑英華

造順越無地惶悚失圖縱知死所豈答玄造載頒新 |節亦和樂之良辰况天休光臨聖慈遐布顏臣賤陋寫 **胎并新恐日等伏以清祀嘉名載於前典實追歡之盛** 加以玄霜絳雪素能愈病一作析醒顧惟賤庸承此思 右中使某至伏奉手記慰拊臣及将士等又賜臘日口 水傳億萬斯年於奉明時獲辨七十二候無任云 為王大大謝恩賜口脂歷日狀 前 云 應

龙六百三十

節及嘉平陛下凝香為膏聚藥成散領日月於歷上奮 於定四車全書 門 龍轎於筆端星分九天之使雲布一日之澤此誠無私 ·腈紅雪紫雪各一合并,懋日一卷等者伏以歲将更始 海之尊更續干齡之壽臣不勝歡避云 却老肚顏覩瓊膏於質器式須聖歷仰賛皇猷永為四 奉明恩感戴周全不知所措蠲邪愈疾驗絳雪於仙方 右中使吳干金至伏奉勅書慰問臣拜賜前件口脂臘 為人謝賜口脂等并悉日狀 文苑英華 令狐楚

|件物等者臣伏以天書垂露御厯頒年靈膏有瓊液之 **管翫形神浜然無任感戴之至** 雲之覆逾廣無以勝任綿地之封粗安未為報效捧受 ·鎮三度受恩未愈忽開鮮順與芳馨相雜素編既列閏 之殊造均養之深仁而臣空抱愚忠自無方各一居藩 右中使董文藝至伏本記書慰問臣并宣恩古賜臣前 餘将分至不差披尋而齒筭延長塗傳而口容芳潤油 謝賜臘日口胎紅雪紫雪歷日等狀

金グロルとう

卷六百三十

任感戴 たこりをとう 石臣得男公敏狀稱伏奉恩古賜歲節料麵兩石羊 播光輝旁跨於九族殊私未答渥澤逾深夙夜寢與不 身之資欣蒙苦口之利謹當奉揚節候下告于萬人宣 之臣猶無何作過分幸需庸微之質實所難勝况乏潤 和辨君臣於百品無不開於春想發自夜東下錫動烈 容仙散擬雪花之狀司天推步定分至於四時尚藥煎 為人謝賜男歲節料升口胎臘脂等狀 文苑英華

輝斯極這德澤之私於一物俾恩波之重若三山夙夜 雖君父用賞延之義微細不遺而臣子非立功之人光 賜雪煩之散 腔酒五科口脂臘脂紅雪各一 多牙巴尼石書 **寝與以荣為懼珹守有限不獲陳謝無任感慶屏營之** 作 任使陛下前因蜡日已降使臣既霑澤口之膏又 酒漿口腹充溢於盃盤樂餌脂膏馨香于懷神 從棒受實未遑寧豈疲病小男復家寵 卷六百三十 合者臣謬以庸虚叨塵

欠日日日 三十 飲徳紫心空唯作機龍賜少挺深身屬節以答鴻私感 龜之澤既霑感而手舞臣等省躬懷愧因物喻情豈止 忘微賤念嚴疑而加之煦嫗慮戰疾而潤以脂膏嘉集 右今日蒙賜臣前件口脂蠟作及紅雪源豆等仍以時 寒特加慰問者伏以時逢臘節候屬祁寒豈意聖慈不 氣動中散容發外挾織之恩南及所勉和則體舒 誠倍萬恒品謹具奏聞謹奏 脱日謝賜口胎樂作 To the second 文范英華 狀 白居易

文苑英华卷六百三十一		金人也人名言
卷六百三		
十一		卷六百三十一

The state of the s

欽定四庫全書 次至四重全島 四 謝恩五 文苑英華卷六百三十二 謝賜鹿狀二首 謝賜米麵狀一首 謝賜酒脯等狀一首 謝出錢宴狀一首 謝賜宴狀二首 文苑英華 謝賜魚狀一首 謝賜大麥麵狀一首 謝賜人粮馬料狀一首 謝賜食狀三首 謝賜設狀四首 宋 李昉等 編

接功成故未謁而知不言而信豈有地狐媛寡毀衆謗 罪 右高力士奉宣口物以臣臨政特令賜宴恭承惠渥伏 重ラビ 念庸微天地周仁木石知感不勝惶悚戴荷之極臣死 死罪臣歷觀自古君臣凡所際會或因緣黨進或收 謝賜茶果狀一首 謝賜甘子狀一 謝賜蟹狀一首 ルノコー 謝恩命遣高将軍出錢狀 首 卷六百三十 謝賜甘蔗芋等狀一 謝賜車螯蛤蜊等狀二首 李 邕 一首

右今日守謙奉宣聖古以臣初入院特賜設者臣生長 次とり東台 |弱賤才質好微草野鄙大風塵走吏豈期聖造推在禁 憂人之心行陛下弘道之化豈安 |徒欲殺身豈能報徳至如勵精勤政舉直狗公副陛下 深察蒙蔽之中致昭曠之外逢陛下特達之遇當陛下 但函開路懸長安日遠不任戀主樓樓之至 明聖之朝事出常均恩重今昔臣誓将瀝血足可竭誠 謝賜設狀 文苑英華 作敢失墜以負神明 白居易

畢特加慰問并賜設及正帛者臣等職在掌文的令考 右今日高品劉全節奉宣進止非作以臣等在院覆策 厭與聖徳而俱飽終食且歎捫心自驚戰汗慙惶隕越 惠過加邁榮優置體金罍引滿将皇澤而共深玉饌屬 荷恩心魂不寧手足無措况鎮開九醖筵集作列 下謹奉狀陳謝以聞謹奏 謝賜設及疋帛狀

滿腹之輕未有沃心之鯁既充膚革誓竭肺肝竊位素 庭雨露頻施涓埃莫効陛下載分美禄特降珍羞空懷 右今日某乙奉宣恩古賜臣就院設者臣聞推食之賜 賜食榮及承筐寵厚綠網仰難勝於玄貺恩深醉飽退 策雖竭鄙昧猶懼闕遺豈意皇監下臨聖慈曲至惠加 久已95PAS 用勸勲勞置體之恩以待賢彦徴臣猥承天春擢在內 有愧於素飡徒積慙惶何酌慶賜無任感戴屛營之至 謝賜設狀 文苑英華 稹

聖董太中之對策何補清時忽委康車下離閨籍誠於 芳九醖 臣階緣簿伎塵辱脩塗楊執戟之讀書雖無非 将更等設與者将承間着作寄尚本朝恩絡繹入 右今月某日中使某奉宣進止其作就長樂驛賜臣及 食實非誠願微臣無任感激恩私之至 金万四月百章 列土實耿辭天然猶食指告祥采順有慶爰於近驛式 為中丞榮陽公赴桂州長樂驛謝勃設狀 卷六百三十二 李商隱

之全 火足りまれらり 一門 右今日伏奉進止非作賜臣等於曲江宴會特加宣慰 况臣平生本實孤賤懷書奉役久無點突之謀入國展 降貴臣酒自堯鎮鎮分禹膳泉将下點将校旁雅路岐 無報雲天之施臣與将吏等無任望闕感恩結戀屛營 儀且情稅蒸之禮飽期滿腹醉更憂心終虞負來之災 九月九日謝恩賜曲江宴會狀 文苑英華 白居易

感形骸散容動而成舞柴果作均草木秋色變以為春 各以凡才同恭客職幸遇休明之日多承飯賜之恩樂 |降於襄中慶幸實生於望外仍加慰諭曲被輝華臣等 之朝追歡於最勝之地况天厨酒脯御府管經寵賜忽 并賜酒脯等者伏以重陽令節大有豐年錫宴於無事 徒激丹心豈報玄澤謹奉狀陳謝以聞謹奏 三月三日謝恩賜曲江宴樂狀 30 卷六百三十二 前

 於定四車全書 曲水蹈舞蹈地惟呼動天况妓樂選於內坊茶果出於 以暮春良月元已嘉辰已獲作侍宴於內庭又賜數於 右今日伏奉聖恩賜臣等於曲江宴樂并賜茶果者伏 有愧難勝醉飽之恩以此兢惶未知所報謹奉狀陳謝 人聞謹奏 捧觞知感終宴懷慙肉食無謀未展消埃之劾素飡 軍樂降天上寵驚人間臣等認列近司很承殊渥作 謝賜食状 文苑英華 張九龄 <u>F</u>

盖大節殊熟乃加禮食至於列曹分署各置食錢匪頒 **德經尋又賜臣等食竊味道膄東承珍饌聞義飽徳虚** 慈要家每日之賜上林果實至公先時太官發牢送無 往實歸臣等何人叨承渥澤不勝惶悚感戴之至 臣哀言臣聞恩或曲存義不虚受故者儒碩徳方載珍 右臣等面奉進止令就集賢院與諸學士等觀聖注道 王饔食有公膳陛下勵精庶政垂意輔臣特降非常之 謝每日賜食狀 卷六百三十二 常

曠日臣等自登三事已涉三旬當朝廷釐革之時佐海 **设定四車全書** 悚懼之至 責則神明或祐官誇不行在微臣再受多福無任態迫 伏望重回宸晓載允誠詞俯停三錫之恩伏免萬方之 内安危之重入超殿省常奉憂人之古出在廟堂每思 承飲賜實用慚惶既抬折足之嫌将貽騰作縣口之前 克已之功而不能陳一策進一賢外無平戎之謀內闕 叙官之實四夷未格百姓未安不副憂勤合當罪累更 文苑英華 六

右高品某乙奉宣聖古賜臣食者出自太官飫于私第 其七節若負丘山無任戰荷踴躍之至 光樂曲被很承推食之恩為蹇未施益重素食之青舉 受賜竦雖荷恩天酒來以分甘御餚集作降而示惠臣 右中使某奉宣聖古賜臣等前件酒脯作物 等俯隻 代杜相公謝就宅賜食狀 為宰相謝恩賜酒脯餅果等狀 卷六百三十二 劉禹錫 白居易

欽定四車全書 一人 慶緒即從光皇皆處奉曆謀遂稱多難豈臣薄劣報敢 情未察倍增 臣昨日於延英對見又請前件糧数內停一干人糧里 置體輕無勉於之功徒歷丹誠豈附玄造 右臣先奉恩古賜前件人糧馬料初已陳讓不蒙允許 等省躬知感因物言情寵過加邁懼多尸素之青榮同 代謝赐人糧馬料狀此是讓狀英 监 "惶懼臣自與兵已來早於戎律及討 文光英華 邰 Ł

雖雲雨之施在恩私而至極被渦朽之質顧饕餮而多 累加俸料甚亦 右中使某至奉宣恩命以至節恩賜米麵羊酒猪鹿及 慙是以形神震 駭不知所據懼快顛沛以促餘年敢犯 貪天而龍遇特深封賞殊厚纏綿渥澤三十餘年食邑 **宸嚴重析哀亮儻蒙全度伏乞賜停謹奉狀云云** 無闕乏不謂繼明之始恩出非常曲賜褒崇霑此糧斛 謝米麵羊酒等狀 ▲作廣自此之外更有田園朝夕所須幸

飲定四車全書 之宴及於膏粱又沐深慈下霑中饋以感以慶ᇠ處難 **曠而雨露偏施歲時益榮俾奉先之饗味兼海陸合族** 掩豆飯惟脱栗昔聖之美其儉可師敢望豐盈重彰日 雜口味等者聖古頻降荣者過優以周官百品之珍載 任無徳無功慙惶罔指不任戴荷兢惶之至 序臣出自狐賤素甘貧苦不過滿腹竊誡終身且祭不 領其實雖魏臣五金之貴立谷其多受賜踰涯拜恩失 謝賜大麥麵狀 文龙英華

音又蒙里思搜垂珍錫已飽於聞義况需此時羞綢繆 等不勝感荷之至 出旨是降至尊親耕稼穑之所成也伏以周人之禮唯 渥澤未知報効死罪死罪仍望宣牒史館以示将來臣 廟勤儉於生人事必躬親動合天徳臣亦何幸近奉微 有籍田漢氏之薦但聞時果則未有如陛下嚴祗於宗 右林招隱宣勑賜臣等招隱說云薦新之外自禁中所 謝賜應狀 卷八百三十二 欽定四車全書 排之至 臣者謬竊和羹之任累承分食之思無補消塵切 獸宜供六膳以副、 展春苑之藝典有司奉職上苑從禽将備都庖獻兹鮮 右中使祁國俊奉宣恩古以前件應稍 非時顧調飪而空慙荷生成而何答無任感恩悚 | 載洪造内愧素飡伏以陛下順時令以宣風 公憩 賜鹿肉狀 、珍臣實無功何以受賜罷承殊渥 文苑英華: 苑 れ 賜 作

無任感佩惶悚之極 近旬幸承扈蹕已荷陪遊之荣恩降自天更沐珍鮮之 私喜躍無地伏以十月農隙三泰歲成展豫離宮時巡 賜慶單野次澤被私門顧螻蟻之至微仰丘山而何答 造羹伏以九天之使頻過衡門八珍之羞屢霑御膳 右內品官史鳳節至奉宣聖古賜臣鹿肉一盤捧戴殊 石内品官葉惠化至奉宣聖吉賜臣魴魚一盤仍便令 為晉公謝賜魚狀

欽定四車全書 四 仙饌賞隨恩積慶逐時新臣之何功偏承厚錫游泳渥 自叨陪侍從累沐殊榮朝天賜浴於御湯退食每霑於 右中使焦庭望奉宣恩古賜臣生蟹 歸休私室偏沐恩波空荷紅鮮之慈實負素飡之責無 盤既榮於薦熟正席更告於先當每侍軒墀自無獻替 澤但懼踰涯徘徊寵私無惜答劾無任望外荷戴之 任惶悚感戴之極 為晉公謝賜蟹狀 文苑英華 盤便令造食臣

成不任云云 主傳芳王人調飪薄効無碑於消滴厚施轉積於丘山 每荷木作天恩會不踰日或承海味或降珍鮮况旨聖 造膳適中使賜臣水犢肉一合自濫陪廵幸累沐殊私 右品官葉惠仙至奉宣聖古賜臣車鳌蛤蜊等仍令便 才不逮於前賢而遇每深於曩眷雖竭心盡節何答生 為晉公謝賜車螯蛤蜊等狀 火を日華白馬 兩箇伏以衙門之下頻降王人節食之中累承天饌適 右中使某乙至奉宣進止賜臣前件甘子伏以江潭所 令便造趙承忠至又賜生蟹一盤高如瓊至又賜白魚 何以克當徘徊竈私罔知攸答 口之異無時不霑駁目之珍每日幸旨 石内官趙承暉至奉宣聖古賜臣車螯蛤蜊等一 謝恩賜甘子狀 文苑英華 -作遇顧循涯分 邵 盤仍

等其形豐具味甘曲被生成之恩宛同吳蜀之物過蒙 劾無任云云 右今月某日喬甘至奉宣恩命賜苑中所種甘族及羊 其野次錫及微臣顧洋實以虚言非蔗浆之足擬分甘 出見重於南州色茅入貢一作着遠歸於北闕陛下念 頒錫伏用驚喜陛下以萬靈幼祉六合同風養之則生 少英華作为非獨荷於恩私食堪懷音敢忘於報遷傳季陵甘子獨荷於恩私食堪懷音敢忘於報 謝賜甘族芋等状 常 衮

孰云其遠化之自我不隔華夷将有絕域之人服中州 次定四重公告! 諭未終錫賽旋及臣等慙深曠職寵倍驚心述清問以 制問賜茶脯梨果者集作茶果曲家聖念特降殊私 右今日高品杜文清奉宣進止音作以臣等在院修撰 誠倍百恆品不任受恩悚懼之至 地成太和之理於斯可見捧承異貺兢跼素飡感戴之 而禀教故使他邦之産歸上苑而咸植既登天膳實表 謝賜茶果等狀 文苑英華 白居易 t

誰 畸艺造無任欣戴抃躍之至 俗辭言非盡意仰皇慈而受賜力豈勝恩徒激丹誠庶 今苑英華卷六百三十二 卷六百三十二